

SCRIPT OF EVENING GOJRI NEWS BULLETIN 5JULY 1700 HRS

ایویننگ گو جری نیوز بلیٹن مو رخہ 5 جولائی 2025

یوہ آکا شوانی جموں ہے عبدالمجید تے نصرت تیں خبر سُنو۔

HEADLINES

- ۱۔ وزیر اعظم نریندر مودی پلکیں برازیل غاریو ڈی جنیرو مانہ برکس اجلاس مانہ شرکت کریں گا۔
- ۲۔ لیفٹیننٹ گورنر منوج سنہا نے یاتریاں کی حفاظت کا سلسلہ مانہ ہدایات جاری کی ہیں۔
- ۳۔ پونچھ مانہ حفاظتی دستاں نے دہشت گرداں کی کمین گاہ غو پتو لا گئے اتوں اسلحو تے گولہ بارود برآمد کیو ہے۔
- ۴۔ حکومت نے صارفین تیں اپیل کی ہے جے وے حفاظت واسطے بی آئی ایس تیں تصدیق شدہ ہیلٹ ہی استعمال کریں۔
- ۵۔ بیجنگ مانہ 2025 پیرا ارچری ایشین چیمپینشپ مانہ بھارت کی تیر انداز نے اچ 2 سونا کا تمغہ جیتا ہیں۔ جتن آلا مانہ شیتل دیوی شامل ہیں۔

PM BRICS SUMMIT

وزیر اعظم نریندر مودی اس مہینہ غی 6 تے 7 تاریخ نانہ برازیل گاریو ڈی جنیرو مانہ برکس اجلاس مانہ شرکت کریں گا اس غے بعد وے برازیل گو دورو کریں گا جہیڑو تقریباً 6 دہائیاں مانہ کسے بھارتی وزیر اعظم گو پہلو دورو ہو وے گو اپنا دورہ غے دوران جناب مودی اجلاس گ ا موقعور برازیل کا صدر لوئز اناسیو لالا داسلوا سمیت دوجا عالمی زہنماواں سنگ گل بات کری گا وزیر اعظم بریکس فورم کا رکن ملکان بشمول بولویا کیوبا کزاکستان ازبے کستان ملیشای تے ویتنام سنگ سٹیج سانجی کریں گا۔

LG DIRECTIVES

پہلگام جاربی یاتریاں کی گڈی نانہ چندر کوٹ مانہ پیش آیا معمولی حادثہ گے بعد لیفٹیننٹ گورنر منوج سنہا نے یاتریاں کی حفاظت واسطے ہدایت جاری کی ہیں یاد رہ جے یاتریاں کا قافلہ گیاک گڈی کی بریک فیل ہونگی وجہ نال وا گڈی اُت کھلی گڈیاں نال ٹکر گئی تھی ایل جی نے متعلقہ افسران نانہ شری امرناتھ جی یاترا ور جان آلا یاتریاں کی گڈیاں واسطے جامع حفاظتی اقدامات نانہ لاگو کرن تے تمام اہم مقامات ور حفاظتی جانچ تے یاترا کا رستا ور کھان تے دوائیاں کی دستیابی نانہ یقینی بنان کی ہدایت جاری کی۔ اس تیں پہلاں ایل جی نے صوبائی کمشنر جموں رامیش کمار تے ڈپٹی کمشنر رام بن محد الیاس خان نال گل بات کی تانجے زخمی یاتریاں نانہ تمام ضروری مدد فراہم کی جاسکے۔ انہاں نے متعلقہ اعلیٰ عہدے داراں نانہ یاہ ہدایت وی دتی ہے جے وے چوکناریں تے یاتریاں کا جلد سفر واسطے تمام ضروری انتظامات نانہ یقینی بناویں۔

AMARNATH ACCIDENT

رام بن مانہ چندر کوٹ کا مقام لنگر کی جگہ ور امرناتھ یاترا کا پہلگام جان آلا قافلہ کی آخری گڈی نے قابو ہو گے اُت کھلی گڈیاں نال ٹکر گئی جس کا نتیجہ مانہ چار گڈیاں نانہ نقصان پُجیو ہے تے 36 یاتری معمولی زخمی ہوا ہیں ضلع انتظامیہ نے زخمی یاتریاں نانہ

فوری طور ور علاج واسطے ضلع ہسپتال رامبن پُجایو ڈپٹی کمشنر رامبن محمد الیان خان ڈی
آئی جی شریدر پائل ایس ایس پی کلیر سنگھ تے اے ڈی سی ورون جیت سنگھ چارک
نے شفاخانہ جاگے زخمی یاتریاں گو حال جانیو چیف میڈیکل افسر نانہ زخمیاں نانہ ہر
ممکن بہتر سہولت دین غی ہدایت دتی ہے ان معمول زخمی یاتریاں نانہ بعد مانہ دوجی گڈیاں
گے ذریعے یاترا واسطے اگے تور دتو گیو ہے۔ اس بار ے مزید دستاں واں ایس ایس پی رام
بن گو کہنو تھو۔

BUDDHA AMARNATH

شری بڈھا امرناتھ جی یاترہ غ یدوران یاتریاں نانہ تمام سہولیات فراہم کرن تے یاترا نانہ
آسان تے کوشی سنگ منعقد کرن واسطے ضلع پونچھ غا ڈپٹی کمشنر وکاس کُنڈل نے بڈھا
امرناتھ یاترا کمیٹی غے ہمراہ یاترا غا بنیادی کیمپ تے یاتریاں غا قیام واسطے شناخت
شدہ 14 مقامات غو دورو کیو اس دوران ڈی سی نے انتظامیہ تے م، تعلقہ محکماں غی
تیاریاں تے انتظامات غو جائیزو لیو۔ انہاں نے گورنمنٹ ڈگری کالج پونچھ آئی ٹی آئی شری
دشنمی اکھاڈا پونچھ سمیت دیگر قیام گاہاں تے سہولتی مراکز غو معاینو کیو تے یاتریاں
واسطے دستیاب سہولیات غو جائیزو لیو۔

HIDEOUT BUSTED

حفاظتی دستاں نے اج ضلع پونچھ مانہ دہشت گردان اگ ایک خوفیہ ٹھکانہ گو پرودو فاش
کرغے اتوں اسلحہ تے گولہ بارود برآمد کیا ہیں سرکاری ذرائع غے مطابق معمول غی تلاشی
غے دوران پولیس تے فوج غی مشترکہ ٹیم نے ایک دہشت گرد غا ٹھکانہ غو پتو لایو اتوں
14 راونڈ اے کے رانفل گا ترے دستی بم پنج پنسل سیل وائر کٹن آلو چاکو لوہا غی داڑ تے
ایک پیٹ غو ڈبو برآمد کیو۔

BIS HELMETS

محکمہ امور سارفین تے بیورو آف انڈین سٹینڈیڈ نیملک پھر گا صارفین نانہ صرف بی آئی
ایس تیں تصدیق شدہ ہیلٹ استعمال کرن گی اپیل کی ہے محکم نے بی آئی ایس سرٹفیکٹ
گے بغیر ہیلٹ تیار کرن تے فروخت کرن غے خلاف سختی نال عمل درآمد گو وی مطالبو
کیو ہے امور سارفین گا محکمہ نے اپنا بیان مانہ کہیو ہے جے بی آئی ایس نے گزشتہ
مالی سال مانہ بی آئی ایس سٹینڈرڈ مارک گا اغلط استعمال ور 30 تین متی تلاشی تے ضبط
کی گئی کاروائی کی ہیں۔ محکمہ نے دسیو جے سال 2025 توڑی پورا بھارت
مانہ 176 ہیلٹ تیار کرن آلی صنعتاں کول حفاظتی ہیلٹ واسطے درست بی آئی ایس
لائسنس ہیں محکمہ نے مشاہدو کیو ہے جے سڑکاں گے کنارے فروخت کی جان آلی بہت
ساری ہیلٹ لازمی بی آئی ایس سرٹفیکشن نہین رکھی جھپڑی صارفین واسطے خطرو ہے
تے سڑک حادثہ مانہ بہت ساری اموات کی وجہ بنیں۔

BDSB

ڈپٹی کمشنر راجوری ابھیشیک شرما تے اُت غا ایس ایس پی گورو سکارور نے سانجھ
طور ور شاہرہ

شریف درگاہ ور ایک جائیزہ میٹنگ غی صدارت کی تانجے حضرت بابا غلام شاہ بادشاہ
رحمت اللہ علیہ غا دو روزہ سالانہ عرس غا انتظامات نانہ حتمی شکل دتی جاسکے جھپڑو

اج تیں مایو جاربو ہے اس میٹنگ غو مقصد ملک گا بکھ بکھ حصاں تیں درگاہ ور حاضری دین آلا عقیدت منداں واسطے آسان تے پرامن انتظامات نانہ یقینی بنانو ہے اس جائیزہ میٹنگ غے ودران ٹرانسپورٹ تے ٹریفک غا ضوابطہ بجلی غی فراہمی پین آلا پانی غی سپلائی تے دوجی ضروری سہولیات جیسا اہم پہلوں ور غور کیو گیو تانجے زائرین نانہ ایک ہموار روحانی طورور فائدہ مند تجربو فراہم کیو جاسکے۔

DODA MEDICAL CAMP

ضلع انتظامیہ ڈوڈہ ت یضلع صحت کمیٹی دوڈہ نے امندیپ اسپتال امرتسر غا اشتراک تیں ایک مفت طبی جانچ غو کیمپ کمیٹی ہال دوڈہ مانہ منعقد کرایو۔ ڈپٹی کمشنر دوڈہ ہرویندر سنگھ نے کیمپ غو باضابطہ طور ور افتتاح کیو تے شہریاں نانہ معیاری طبی سہولیات فراہم کرن غی اس مشترکہ کوشش نانہ سہرايو۔ اس کیمپ مانہ ضلع غا مختلف علاقوں تیں 3000 تیں متی افراد نے شرکت کی تے مفت طبی مشورہ تے معائنہ کرایا۔

COCOON AUCTION

ضلع ادھمپور گا ریشم مرکز مانہ مہینہ بھر جاری رہن آلی کوکون نیلامی غو آگاز ہو گیو ہے جس نانہ ریشم محکمہ نے منظم کی وے یوہ سالانہ پروگرام خاص طور ور غیر تعلیم یافتہ تے بے روزگار خواتین کساناں واسطے ایک اہم موقعو فراہم کرے تانجے وے اپنی پیداوار مناسب قیمت مانہ فروخت کرسکیں یاہ نیلامی کساناں نانہ بہتر قیمت دوان غے نال نال مقامی معشیت نانہ وی فروغ دے کیونجے مختلف علاقوں تیں خریدار ات آویں کساناں نے اس شفاف عمل تے محکمہ غی جانب تیں دتی گئی سہولیات ور اطمینان غو اظہار کیو ہے۔

PARA GOLD

بیجنگ مانہ 2025 پیرا ارچری ایشین چیمپینشپ مانہ بھارت کی تیر انداز نے اچ 2 سونا غا تمغہ جیتا ہیں ان دو تمگاں گا جتن نال ان کھیڈ مقابلوں مانہ کل تمگاں کی تعداد 7 ہو گئی ہیں شیتل دیوی تے جیوتی غی خواتین کی سانجی ٹیم نے چین نانہ 143-148 نال شکست دے گے سونا غا تمغہ حاصل کیا۔

WEATHER

محکمہ موسمیات نے جموں خطہ مانہ کئی جگہاں ور آئندہ دیر رات نانہ گرج چمک نال تیز بارش ہون کی پیش گوئی کی ہے جد کہ اج دن نانہ جموں خطہ مانہ موسم گرم تے مرطوب رہیو کئی جگہاں ور وقفہ وقفہ نال بارش تے گرج چمک گو امکان ہے جد کہ جموں صوبہ مانہ پلک تیں 8 جولائی توڑی کجھ جگہاں ور تیز بارش ہون گو وی امکان ہے۔
